

SIDAAMO Heart Book

MANCHI WODANA



COPYRIGHT
ISBN 1 - 874934 - 47 - 9

E-MAIL: info@angp.co.za

ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1961/001798/08)

KAALIIQI WOYYO
WOY
SHEEXAANU GALTE AAYYE
(TONNE MISILLANNI XAWISAMANNO)

Kristyaanu haymaanootenna heeshsho jawaachchiishatenna dhaawate, Kaaliiqi maganoonsi'rano halashshate borressamino.

MANCHI WODANA

KAALIIQI WOYYO WOY SHEEXAANU GIDO'LE AAYYE (1 Yoh. 3:4-10)

Cubbo loosannohu baalu Kaaliiqi seera diiganno. Mayira, cubboho yaa kaaliiqi seera diigate. Kristoosi mannu cubbo fee hoolara xawo fulinotanna Isi cubbu xure afi'rinokkita egentinoonni. Kunnira Kristoosini

hee'ranno manchi baalu cubbo diloosanno. Cubbo loosannono manchi Kristoosi diafino woy diegenninosi.

Ooso'ya ballo, ayino dogoonke'ne. Kristoosi keeraancho ikkino gedenni, Keeraanchimma assannohu baalu keeraanchoho. Diyabloosi (sheexaanu) albanni kayise, cubbo loosannohura, cubbo loosannohu baalu Diyabloosi beetooti. Kaaliiqi Beetti xawo fullohuno Diyabloosi looso diigateeti.

Kaaliiqi beetto ikkinohuno cubbo diloosanno, loosarano didandaanno. Mayira yiniro, Kaaliiqi akati (bifi) giddosi hee'rannohuranna Kaaliiqi wiinnino ilaminohuraati. Kaaliiqi wiinnino ilaminohuraati. Kaaliiqi oosonna Diyabloosi ooso baxxite leellitannohu kune kunninniiti: Keeraanchimma assannokkihunna rodoosi baxannokkihu baalu kaaliiqi beetto di'ikkino. (1 Yoh. 3:4-10).

Ate kaaliiqi owa ga'naa noohero woy sheexaanu bobbaasi'raa noohero badde lay'ri, Cubbu borojjimmani woy kaaliiqi guwaanynyonni noottoro afi'ri. Heeshshokki cubbu okke noohero moroma didandaattona, kayinnilla tenne gobba cubbaataamma gatisatenna sheexaanu mootumma hiiqqate dayinoha Yesus Kristoosi amma'ni, Kaaliiqi Maganikkiwa higge raari fayyeessannohena. Yesusi ninke gatisaanchooti. Mannu baalu, Maganu Kaaliiqi albaanni assannorichchi tuqunni maaxama dandaannokki heeshsho noosita afa noosi.

"Kaaliiqi gobba baala seekke lae, wo'mu wodaninsanni Isinni amma'nitannori baalaho jawaante aannonsa." (2 Maxaafa Zeena 16:9).

"Kaaliiqi mannu ha'rinsho la"anno, Cubbaataamu kaaliiqi albaanni go'lara dandaannohu gophphu tunsichchi kurchonkanni dino." (Iyob 34:21,22).

"Yesusi kayinni, manna baalanka egenninonsahura diammaninonsa." (Yoh. 2:24).

Konnira "Cubbinsa hilaminonsa manninna saonsano (beebbansa) kiirantinonsakki mannira tashshi yoonsa. Sao assootto yee Kaaliiqi bushiishannosikkihunna beebbatewiinni fafino manchira tashshi yoosi." (Daawit Faarso 32:1,2).

BALAXO

Mannu Kaaliiqi ellenninna wolqanni kalaqami waro wodanisi kaaliiqi woyyooti. Kaaliiqano horo (wo'mu) wodaninni baxanninna galaxxanni, isino horoomi hagiirrininna gattoni hee'ranni no. Sheexaanu kayinni kaaliiqinna mannu diina (qaho) ikki wote, ishine abbe manchi wodani giddo wixe, kaaliiqinna manchu mereero noo mittimma diigi.

Kaaliiqi murro (hajajo) sa'a cubboho. Kunino cubbu ishineeti. Cubbu ishini mannu baalunku wodani giddo mu'ranno. Cubbu ishini laalchi: boonne, foorre, hafuurre, Cee'ma, hanqunna qanke, Xagaro, honqooqimmate (do'nimmate). Heeshshonke (lubbonke) diini sheexaane agurranna wolu dino. Tenneno Mootichchu Yesusi (Mat. 13:25-30) giddo, soqqamaasinesira (hawaaryootaho) kulinonsa.

Subbino doogo gibbannori tunsichchu looso baxxannori, baalankare morontanno woy kaaliiqi Qaali ledo xaadannokkire haafare rosiissanno.

Yesusinna soqqamaasinesi (hawaaryootu): Kaaliiqi manchi wodani giddo hee'rannota, Gashshootesi giddonsa (mannu mereero) uurrisi'rannota, Ayyaanissinni faansannonsata, qulleessannonsata, Maganimmasi wolqannino iimiidi keerisinnino hegerete heeshsho aannonsata, hattoonno qole sheexaanu gashshootesi bushuullu, Kaaliiqa amma'nitannokki manni giddo uurrisi'rannota, halaalire affannokki gedenna halaali hagiirre afidhannokki gede assannonsata rosiissino. Kristoosi isinni amma'na gibbino Ayihudaanoota togo yiinonsa: "Ki'ne anni'ne Diyabloosi oosooti, hasatto'nenno anni'ne halcho (yorto) wonshate, isi albanni kayise baaddaanchoho, halaalu isi giddo nookkihura halaalu ledo xaadu horo dinodi, isi kaphphaanchohonna kaphphu anna ikkinohura kaphpho coyi'ranno wote meessisi giddonni fushshe coyi'ranno." (Yoh. 8:44).

Phaawuloosi Efesooni mannira togo yaanni borreesse dhaamino: “Ninke gaari (oli) mannu ledo ikkikkinni tenne tunsichcho yannanni loossanno biilla, gashshootu wolqa afidhinorinna gobbate wolqaataammi ledoote. Togo yaano, iima noori battaame ayyaanna olanto ledooti.” (Efe. 6:12). Insa amma’nitannokki keessoole, tenne gobba magano ikkinohu Sheexaanu wodanansa ballisinonsahuraati. Kaaliiqi akatinni (daninni) Xawo fulinohu, Kristoosi ayirrinynyire kulaminohu Danchu Duduwiwiinni daannonsa xawo affannokki gede assinonsahu isooti.” (2 Qor. 4:4).

Qoleno kaaliiqi phaawuloosi afiinni togo yiino: “ki’ne sao’enninna cubbi’neni kainohunni reytine heedhinoonnireeti. Hakkawaro tenne gobbaha busha labbinanni saotenninna cubbunni heedhinanni hedhinoonni. Hattono, diilallote aana noore busha ayyaanna wolqa gashshannoha labbinanni heedhinoonni. Isi, Kaaliiqira owaattannokki manninni, xa loosi’ranni noohu battaamo ayyaanaati.” (Efe. 2:1,2).


Kaaliiqiwiinni bae hee’ranno manni illensa fa’nanteenna Kaaliiqi halaale afa hoogguro hegerete hegerera ba’ino gedeenni heedhanno. “Diyabloosi hundanni kayise cubbo loosannohura, cubbo loosannohu baalu Diyabloosi beettooti. Kaaliiqi Beetti xawo fulinohuno Diyabloosi looso diigateete.” (1 Yoh. 3:8). “Kaaliiqiwa gamba yiiyye, Isino ki’nawa gamba yaannona.” (Yaq. 4:7,8).

Ati konne maxaafe nabbawatto wotenna isi misilla la’e xiinxallatto (huwatatto) wote, atehu umikki wodani hiittoohoro af’rattora dandaatto. Kaaliiqi wodanniki ikkito xawisannohe gede xa’misi. Cubbokki morontootina egeniisi’ri, Kaaliiqi Qaali togo yaannona; “Cubbu dinonke yinumoro ninkenee (umonke) dongeemmo. Halaaluno nike giddo dino. Cubbonke Kaaliiqira aagintaambummoro, Isi halaalaanchonna keeraancho ikkinohura Cubbonke baala hilannonke (sayisi’rannonke), saonke baalatennino fayyeessannonke.” (1 Yoh. 1:1-10). Beettisiti Yesusi munde cubbu baalunni fayyeessitannonke.”

1. CUBBAATAAMU WODANA

Tini misile leellishshannohu, tenne gobba wodana afi’no manchi, Qullaawu Maxaafi giddo yinoonninte gedenni, tenne gobba magano ikkinohu Diyabloosi gulufinohunna tenne gobbara qeelame, anga uyino manchi shuggurrimma, ufunimmanna godowu bunshe leellishannoha xircho albaho afi’rinotaati. Illete duu’milli dimbenna geleele galino manchi ikkito leellishanno. Solomooni Masalo giddo togo yinoonni, “Yaaddonna manchita iillitannohu ayeeti? Dhiite ba’riite (duuchcha wote) moromonna boroorsha Kakkayisannohu ayeeti? Ikkino Keessoole afikkinni madi’re leellannohu ayeeti? Ille duu’mitannohu ayeeti? Kuni baalunkurichchi iillannosihu woyinete bulbulo batisi’re agatenni, woleno dimbisanno ago rosiisi’ratenni yannasi hu’nanno manchi aanaati, Kunnira ayee geeshshano duu’me burcuqote giddo xu’me leellirono, anganni woteno shalaale eirono, woyinete bulbuli yorsiisonkehe. Mayirano yiniro, maaheessa masse hamashshimma iddannohe, buutete gede harfasi naqannohe, illeikki siphphi-siphphi yitannohehura haarorichcho la”attoha lawannohe, taalotenni hedono ikko, coyi’ra didandaatto.” (Masalo 23:29-33).

Manchu umi nisile woroonni, manchi wodani addi addi moichchi misilenni wo’minohu egeniisannori, manchi wodani addi addi dani cubbinni sarraqame (sakaalame) hee’rannotaati. Kaaliiqi Himanaanchisi Erimiyaasi afiinni togo yiino, “Manchi hedo ayi afara dandaanno? Manchi wodanni baalukurichchinni roore lowo lowo geeshsha battaawinohonna xagaraamoho.” (Er. 17:9).



Yesusi umisi tenne togo yee hawaqiriisino, “Manna batteessannohu mannu wodani giddonni fulanno coyeeti, hakkuno: busha hedo, galte assi’nikkinni foora, moora, hafuura, hantalaallo, dogo, maaxaana, dhiibbe, manni su’ma huna, boonne, dhabbanse, manna shaa, galte assi’ne hee’ne wolewa foora, kuriuti. Kuni baalu bushu coyi, manchi wodaninni fulanno, mannano batteessanno.” (Mar. 7:20-23).

1. DOOBBIIHCHCHO – Umi misliera leellanno doobbiichchi boo’neeti. Doobbiichchu wolu moichchi baalunkunni wogarosinninna akeekisinni, bareendesinnino rooranno. Kunnirano isi boo’nate (naaxxate) lawishsha ikkino. Manchi wodanino doobbiichchaamoho. Kaaliiqi shaqqillisi batinyinyinni kainohunni, lowo mannira jiro, xumille, ayirrinnyenna woleno addi addi afansho loosinsaweello uyinonsa. Kayinnilla, insa boonnetenni kainohunni, Kaaliiqi uyinonsarinni umonsa ayirriisidhanno, hagiirsiisidhannono. Kunnirano wole manna mishshanno, arrassitanno, wolunni ninke roorroommoreeti yiidhanno. Kaaliiqi kayinni togo yanno, “Ani, boonnenna bilxooma giweemmo, hantaallote doogonna Kaphphaancho qaale dibaxeemmo.” (Masalo 8:13). Qoleno, “Boonne ba”ate widira massitanno, addaxxa (aggaxxa) uwate iillishshanno.” (Masalo 16:18).

2. MEICHCHO – misilete aanna leellanno meichchi manchi wodanira noo baashenna foorreeti. Manchi wodanino meichchaamoho. Tenne yanna manni mehaa-labbaahu, wodanu yorto (halcho) calla duushshi’rara (wonshi’rara) afoono ikko assoote fooraho 2000 diri albaanni Yesusi togo yee masaalino, gedeniidi yannara Sodoominna Goomoori barri gede ikkanno. Yannate manni kaaliiqi doogo agure

yannate baasheranna foorrete doogamanno. Kayinnilla, Kaaliqi togo yaanno, “Kunnira foorretewiinni faffe, mannu assannohu, wolu Cubbi baalu bisisi gobbaanni assamannoho, fooranno manchi kayinni, meessisi bisi aana cubbo assanno. Bisi’ne Kaaliqiwiinni adhitinoonnihana giddo’neo hee’rannohu Qullaawu Ayyaani woyyo ikkinota diaffinoonni? Xaate ki’ne Kaaliqireeti ikkinina meessi’ne di’ikkitinoonni.” (1 Qor. 6:18,19). “Xaate mannu Kaaliqi woyyo diigiro, Kaaliqi isono diigannosi. Mayirano yiniro, Kaaliqi woyyo faansantinote, hatte woyyono ki’neeti.” (1 Qor. 3:17).

3. MANCHAAME – misilete giddo manchaamete lawishshi xawisannori, ise itte duuwomma yitannokita, hafuuraame ikkitinota, tuffinokanni qolte ittannota, gadhannona boqattanno bayichcho doodhitannokita, shumeettete aana gadhannota ikkitinotaati. Hattono cubbo bayi’rino wodana afi’no manchi, Kaaliqi albaanni battenna lago ikkinore bade diafannona, wodanisinna wodanisi hafuurrella wonshi’rara hellobuufi yaanno. Araandore siixe, corqe, ageno dibaganno. Ikkinoe woy duuwommo diyaanno. Kaaliqi doogo doodhitinorira kayinni, araadisannorichchi battete, lagote. Kaaliqi bushare qorowisiisanninke togo yiino, “Owaattannokkiri (murrisantnökkiri) Kaaliqi Gashshoote iqqantannokkita diaffinoonni? Kunni coyinni dogantinoonte, amanyoyootiweelootu woy haafare maganoonsidhannori woy foorraadu woy labbaahu ledo foortanno labballi woy mooraano woy hafuuraamootu woy dimbaaleeyye woy mannu su’ma huntannori woy manniha mulqidhannori kaaliqi Gashshoote di “iqqantanno”. (1 Qor. 6:9,10). “Ba”ate widira massanno’nehura woyinete bulbullinni dimbitinoonte, roorenkanni Qullaawu Ayyaaninni wo’me.” (Efe. 5:18). Yesusi togo yee woshshanni noonke, “Waa goo’riinohu nooro anewa dayee ago, anenni amma’nannohu, Maxaafu yaanno gedenni heeshshote wayi burqi giddosinni burqanno.” (Yoh. 7:37,38). “Ani eemmosi wayiinni agannohu hegerete hegerera kurichchonkanni (horonta) digoo’ranno. Mayirano yiniro ani eemmo wayi, aganno manchira hegerete hegerera heeshsho burqitanno burqa ikkanno.” (Yoh. 4:14).

4. AWULCHO – misilete aana awulchote lawishshi xawisannori, cee’mate, huntete, qaalloolimmate. “Kaaliqira owaata hooga bitaamu gede, boonnete shuggurrimmano haafare maganoonsi’re cubbo loosate gede kiirantanno.” (1 Sam. 15:23). “Loosa baxannokkihi cee’maleessu manchi meessassii (umosi) shiinohu gedeeti. Cee’maleessu manchi duuchchanka wote halchannohu loworichcho afi’rateeti.” (Masalo 21:25,26). Awulcho mugganni hossanno. Hattonni, manchu beettino kalaqamasinni Kaaliqirichcho adhate dunkaho. Mittu faarsaanchi togo yiino, “Muggooti, muggooti, mungiro daannona takki yite goxxooti, goxa wodanaho, illete yitooti.” Yesusi togo yaanno. “Yanna mamaro ikkitannoro diaffinoonnina qorophphe, jawaatte. Hedeweelcho daye goxxine heedhineenna afanno’neeki gede jawaatte.” (Mar. 13:33,36). Kaaliqi techchonni assi yaannore sheexaanu kayinni, ga’a, injiihero assi yaanno. “Bitaasinenna reyitineri ekeru (lubbo) woshshitannore xa’midhe yitanno’ne macciishshitinoonte, Kaaliqi murrisanno’nehanna (hajajanno’neha) rosiisanno’ne qaale macciishshe.” (Issa. 8:19,20).

5.

6. DAGUNCHO – misilete aana noo dagunchi hanqo, godowu Kaajjille, qanke, leellishanno. Manchi wodanino dagunchaammoho. Wodana dagunchaa’manno manchi hanqo disayisi’ranno, shaara, itara hasi’ranno, qanke wodanaho amadanno. Kaaliqi togo yaanno, “Dadillunna caacce qarru widira massitannohura hanqitooti, aarantootino.” (Faarso 37:8). “Hanqu Kaajjillunninna hunatenni wo’minoho, hinaasu kayinni hanqunni roore bushaho.” (Masalo 27:4).

Rabba cubbaataamo wodana hagiirsiissanno. Kaaliqi kayinni bushiishannoha baalanka qorichchishano. Yesusi togo yaanno, “Manna baala, meessanakkii (umokki) baxattohu gede assidhe

baxi.” (Mar. 12:31). “Qahokki baxi.” (Mat. 5:44). Ninke, sao assitinonkere hilleemmonte gede Kaaliiqino sao assinoommota hilankera owaataho (owaataamoho), (amma’naminoho).

7. HAMASHSHO – misilete aani haashshi lawishshi xawisannori hinaasonna harfa, godowu bunsheeti. Hamashshu qasiro (iddiro) harfa afi’rino. Bashsho (bi’re) Edenete giddo, hagiirrunnina Kaaliiqi ledo coommado heeshshonni heedhannore Adaminna Heewani hinaase, xagare, Kaaliiqi ledo giwanshiishe huninonsa. Manchi wodanino hamashshaamoho, hinaasaanchohono. Galtesi hinaasanno, manni galteno, manni jajjano (woxe) hinasanno, “Kaaliiqi, busha hedo afi’no manna giwanno.” (Masalo 11:20).

8. BASU – lawishshi honqooqimmanna woxu baxille leellishanno. Basu honqooqittete, duubburo nafa bushsha unte (honqoorte) maaxidhanno ikkinnina diuyidhanno. Woxe baxanno manchi lexxaralla hasi’ranno ikkinnina, ikkinoe diyaanno, noosihunnino buxichcho dikaa’lanno. Yesusi togo yaanno, “Tenne uulla aana jiro cibbidhinnonte (Kuusidhinoonte), mayirano tenne uulla aana daanillunna dukukku hunanno. Roorimankanni umi’nera iima jiro cibbidhe, hakkiichcho noojiro daanillunna dukukku hunara didandaanno, mooraanono unte moortara didandiitanno. Jirokki noowa wodanikkino hakkiichcho hee’ranno.” (Mat. 6:19-21).

“Mitu mitu manni shaqqillunni woxensa billaallissanno, Kayinnilla jironsa batidhanni hadhanno. Wolu manni jilbimale (bikkiweello) woxinsara raqisantanno (honqooqoo’mitanno), Kayinnilla buximansa batidhanni hadanno.” (Masalo 11:24).

9. SHEEXAANU – kaphphu baalu annaati, kaphpho halaale lawisanni mannu wodana gowwise murrissanno. Isi giddo halaalu dino, isi kaaliiqi qahooti. Yesusi togo yaanno, “Ki’ne anni’ne Diyabloosi oosooti. Yorto’nenno anni’neta halcho wonshate. Isi bi’renni kayise baaddaanchoho, halaalu isiwa nookkihura halaalu ledo kurchu xaadino dinosi, isi kaphphaanchonna kaphphu anna ikkinohura kaphpho coyi’ranno wote meessisi giddonni fushshe coyi’ranno.” (Yoh. 8:44). “Kaaliiqi ledo mittimma noonke yinanni tunsichchoho hee’neemmore ikkinummoro, ninke kaphphaasinete, halaaluno ninke giddo dino.” (1 Yoh. 1:6).

10. BEEDDAKKO – mannu baalunku wodani lii’la egeniissanno. Manchi wodani cubbo bayi’re balle, meessasiinni layi’ra didandaanno. “Qullaawu Ayyaanni faajjete togo yaanno, gedeniidi Yannara mitu mitu manni so’risiissanno ayyaannanna durriisu sheexaanna rosiishsha macciishshitani (ha’runsitanni) hayimaanote agurtanno. Togoo gari rosi fulannohu Mukkurrante Kaphpho coyidhanno wote iibbino siwiilinni sissiwaminohu gede ikke dillaawino lii’linsa Kulannonsakki manni wiinniti.” (1 Ximo. 4:1,2). “Kunnira bushu lii’linni fayyaambeemmo wodananke faansi’ne, bisonke Xalalu Wayinni hayishshi’ne, taalo wodananna halaalaancho amma’no cu’mi’ne (adhine) Kaaliiqiwa shinqo.” (Isi. 10:22).

11. ILLE – Kaaliiqiti manchi wodanira noore baala la’anno. Kaaliiqi ille bubbannotewiinni tunsichchoho ikko, rassu dubbirano ikko, diimete boonirano ikko tee’lannori dino.


12. SHIIMMAADDU GIIRATE ARRAWI – wodanu misile doyisse leellannohu lawishshi, Kaaliiqi baxilli manchi wodana yooyifatanno gara leellishanno. Kaaliiqi Cubbo giwirono, cubbaataamu cubbisinni hee’re reyaara dihasi’ranno. Cubbisinni hige hee’rara hasi’ranno. Yesusi cubbaataamma gatisara dayino. Dallaa eannohu mittu cubbaataami daafinni, limi Gashshootira hagiirre ikkanno. (Luq. 15:7). Shiimmaaddu giirate arrawi Yesusi mundeereno coyi’ranno. “Gobbate cubbo hoolannohu Kaaliiqi wiliilichi.” (Yoh. 1:29).

13. KAALIIQI-SOKKAANCHI – Kaaliiqi Qaali lawishshaati. Cubbu xuri duha ikkinonsarira Kaaliiqi woshshatto diagurino. Insa woshshattosi macciishshite doogosi doodhituro Kaaliiqi baxillinna xawisi wodaninsa giddo galanno. Kaaliiqi doogo doodha yaa cubbu-xure laqqate, Yesusi qaale agadhate.

14. LEMBOOLCHO – Qullaawu Ayyaani malaateeti. Kuni Ayyaanino, Kaaliqi halaale xawisanno. Qullaawu Ayyaani, cubbo henceleellishanno, Kaaliqi yoo xawisannohonna halaale kulanno Ayyaanaati. Qullaawu Ayyaani manchi wodana dooyanni hee'ranno. Misilete aana Qullaawu Ayyaani malaati, manchi wodani gobbaanni leellannohu mayiraati? Cubbunna Isi xaado afidhinokkihura cubbaataamu wodani giddora ea dandaannokkihuraati.

Tenne misile wodani ate wodani giddo ikkito leellishannoro, Mootichchu Kaaliqiwa higge raari, eegami, wodanakki Isira fa'ni, Qaalisi xawi eaheera fajji. Mootichchu Kaaliqi battaamo wodanakki soorre haaro wodana aahera elino (fajjino). (H. Looso 16:31; Hiz. 11:19).

2 LAYINKI MISILE




Tenne misile lawishshi, cubbosi aagintaawe dallaa e'e Kaaliqira alba higino wodanaati. Kaaliqi sokkaanchi amade noo bise Kaaliqi Qaaleeti, "Kaaliqi Qaali heeshshonnihonna loosannoho. Lami-qaraame bisenni roore iibbadoho; lubbonna ayyaana, niganna miqichcho bada geeshsha fiilannoho (hiifannoho). Wodanu giddo maaxantion (tee'litino) hedonna yorto shalaashshale kae fari'cirannoho." (Ibi. 4:12). Kaaliqi Qaali cubbu wodo (damoozi) reyoo ikkitinota egensiisanno. "Mannaho mitte higge reyaa noote, reyoote gedensaanni yoo noosi." (Ibi. 9:27). "Cubbaataamunna amma'nannokkihu bayichchi (dargi) goolu giira baaraati." (Ajuujja 21:8).

Kaaliqi sokkaanchi gurachcho anganni mannu ekeru umu amade no; kunino baalinke reyineemmota egensiisanno. Banxeemmo dhagginke, biinfillinke (Xuminatinke), uddanonkeno, reyite fugudde bushsha ikkitanno. Lubbonkenna ayyaaninke kayinni, yoote Kristoosi albira shiqqanno.

Kaaliqihu Qullaawu Ayyaani xawi cubbaataamu wodana eanno wote, cubbaataamu cubbosi afi're aagintaawe dalla eanno. Yesusi togo yaanno, "Ani gobbate xawooti, ane lawannohu baalu heeshshote xawo afi'ranno, tunsichchoho dihee'ranno." (Yoh. 8:12). Cubbu tunsichchoho, tunsichchu magani sheexaane Dabloositi. Cubbo laqqiniro Sheexaanu fafanno. Kunnira, Sheexaanu hedonna yortosi, loosisi baalu wodaninke giddonni fulanno gede Yesusi woshshi'no; isi heeshshonkeetina.

3. CUBBISINNI AAGINTAAWE DALLA EANNO WODANA



Tini misile halaalintanni cubbisinni aagintaawe Kaaliqira dallaaeino manchi wodana leellishshanno. Kaaliqihu Qullaawu Ayyaani xawi wodanisi giddo xawe, cubbisi xure hincilaallishannosi wote, bi'renkunni Kaaliqi halaali wiini, Mootichchu Yesusi elto wiinni mageeshsha fafe hee'rinoro afi're kunni ka'a cubbunniwa dihigeemmo yee xaaranno. Kaaliqi Qaale, Mootichchu Yesusi Kristoosinni amma'ne, Qullaawu Ayyaaninni wo'mino manchi togooti. Kaaliqi Qaali togo yaanno,

“Wodaninsa manchitunni (yaaddotenni) hiiqqaminorira Kaaliqi mule no. Ayyaaninsa manchitunni hiiqqaminore hursannonsa.” (Faarso 34:18). “Beettisiti, Yesusi munde, cubbinke baalunni faansitannonke.” (1 Yoh. 1:7). “Kaaliqa ballo! Eggakkiitina xalala wodana kalaqie, haaronna ammanaminoha ikke dhaabbatanno ayyaana giddo'ya worie.” (Faarso 51:10). Qoleno Kaaliqi togo yaanno. Gobba gudisamanta kalaqoommohu ane


umo'yaati, Kayinnilla ani hagiidheemmohu dallaa e'e owaattannoerinninna joogaaddinniti.” (Issa. 66:2).

Mannu, Yesusi lungaasame, munde, utu ba'lanto umoho worreennasi, xonneennasi, anja tunfeennasi, masiqala duhisiinseennasi tonge (sunte) shollinsheennasi reyinohu woleteemmero ninke reyineemmo reyo ikkitinota Kaaliqi Qaali aanaanni huwate hawaqirirono Sheexaanu dooyya diaguranno. Wodanu ille Kristoosi masqali aaninni ka'e, tenne gobba (cubbu) widira la'anno wote sheexaanu sassaqame (ariiffate) eanno. Isi, Kristoosi morkanno (qoxxisanno), Kayinnilla cubbu widira higa hoongiro garre (queelle) diafi'aranno.

Kunnira duuchchanka wote Kaaliqi Qaale xiinxalla, Kaaliqira ashala'lanna dallaa ea hasiisanno. “Kaaliqi gobba lowo lowo geeshsha baxinohura mittichcho muxxe Beettosi uyino; Kunnira Beettisinni amma'nannohu baalu hegerete heeshsho afi'ranno ikkinnina diba”anno.” (Yoh. 3:16).


“Kaaliqi elto wo'minni Kainohunni, Beettisi mundeenni wodamme (wolaphphine) cubbinkera hiliq o (maaro) afi'noommo.” (Efe. 1:7). Kunnira tenne gobba coye laqqine (gimbe) Kaaliqire banxo.

4. KRISTOOSI LEDO REYA



Tini misile, Mootichchinkenna Gatisaanchinke Yesusi Kristoosinni horo Keerenna hegerete gato afi'rino Kristyaanchire leellishshanno. Mootichchinke Yesusi Kristoosi manna Annisi Kaaliqi ledo araarsara, mannu cubbo mundeessinni faanse masiqalaho sutaminonte gede, cubbu xure faansame Kristoosinni hee'ranno Kristyaanchi dadille (yaaddo) ikkirono, hagiirre ikkirono, heeshshosi raawe (gudise) Kristoosira aa noosi. Hegerete heeshsho baxanno manchi, Kristoosi agurranna wolu addaxxannohu (hexxannohu) dinosi. "Addaxxannohu hee'riro Kaaliqinni addaxxo" Yaamame borreessamino. "Xaate Ayyaanunni heedhe; maalu yorto wonshitinoonte. Ayyaanunni hee'neemmore ikkinumooro, Ayyaanunni dhaawammo." (Gala. 5:16,25). "Adhitinosirira baalaho Su'misinni amma'nitannorira Kaaliqi ooso ikkitanno gede kaayyo (mabte) uyinsa." (Yoh. 1:12). "Beettisi (Yesusi) noosihu, heeshsho (hegerete heeshsho) afi'rino, Beettisi noosikkihu, heeshsho diafi'rino." (1 Yoh. 5:12).

5. KAALIIQI WOYYO




Halaalaanchu Kristyaanchi lii'li (wodani) Maganu Kaaliiqi, Beettisi Yesusinna Qulaawu Ayyaani wooyo ikkinota tini misile leellishshannonke. Yesusi togo yiino, "Baxannoehu qaale'ya agaranno. Ani'vano baxannosi, ninke isiwa dange isinni ledo mitteenni hee'neemmo." (Yoh. 14:23). "Kaaliiqi manna Beettisi Yesusi widoonni ayirrisanno, maassi'ranno, xoqqi (gotti) assano." (Luq. 1:52). Manchu wodani Kaaliiqi eltonni faansame, Kaaliiqi wooyo ikkanno wote, Sheexaanu ishini gumi, cubbu xuri dihee'ranno. Hattentenni (faanta) Qullaawu Ayyaani gumi: baxillu, hagiiru, Keeru, cinca, shaqqillu, danchumma, ammanama, joongillu, meessanaa qee'lanna woluno Kaaliiqanna manna hagiirsiisannori hee'ranno. (Gala. 5:22,23).

Kaaliiqi togo yaanno, "Ki'ne aana xalala waa wixe haafare maganoonsi'ra'ne wiinninna batte'ne duchchate wiinni fayyaabbinanni gede asseemmo'ne, mokkurrama wo'mitinoha kincho

wodana fushshe, taalotenni owaatanno wodana eemmo'ne. Ayyaana'ya giddo'ne gashsheemmo'ne, oommo'ne seeranna murro (hajajo) baala wonsha dandiitinanni gede asseemmo'ne." (Hiz. 36:25-27). Tini, Kaaliiqi Beettisi Yesusi Widoonni uyinonketi Haaru Gondoori sokkaati. Sheexaanu Kayinni, manchi wodanira ishine wixara dooyanni tenne gobbara leenqisamanno.

Yesusi togo yiino, "Battaamu ayyaani manchi wiinni fuliro fooliishshi'ranno bayichcho hasi'ranni wayi nookkiwa moola uulla tuqa raataawanno. Fooliishiranno bayichcho afi'ra hoogiro kayinni fuloommo mini'yawa galagale ha'reemmo yaanno. Kunnira, galagale daanno wote, minu feyaame mucci yee qixxaawinoha afi'ranno. Hakkiinni galagale hare kae isinni roore bushshinore wole lamala gaaleenna (durriisa sheexaanna) haa're daanno. Bashsho isi hee'rino mine e'e hakkiichcho hedhanno. Hakkunni manchiti gedensiidi ikkito albitenni roore bushshinota ikkitanno." (Luq. 11:24-26). Kunni daafira, "Bikkunni (jilbunni) heedhe, jawaatte (baqqi yiiyye) mayirano yiniro, diini'ne (qahi'ne) Dabloosi egemannoha hasi'ranni ittananno doobbichchi gede qarqari'nera yaasanno. Amma'notenni jawaattine iso gibbe. (1 Phex. 5:8,9). "Daabloosi gibbesi, Ki'ne wiinnino xooqannona." (Yaaqoobi 4:7). "Kaaliiqi sokkaanchi, Kaaliiqa waajjitanno manna allaalanno; qaccensa gaangeesse danotenni gatisannonsa." "Harattowa tuqa allaltahera Kaaliiqi sokkaanosi murrissannonsa." (Faarso 34:7; 91:11-12; Dan. 6:22; Mat. 2:13; 13:39; 18:10; H.L. 5:19; 12:7-10).

6. JIFAMINONNA BEEHAMINO WODANA




Tini misile leellishshannohu, haymaanootesinni jawaate hee'ranno Kristaanchi shaqqe duumballitte hingohaati. Isi Kaaliqi doogo laanche (dunneesse) mitte ill wilishshi asse, Kristoosi manni mine tidhinoikki (diddaawu) wodaninni maranni, hakkiinni Kamballi yaanno wote dimbatenna sirbate widira, Kiilohonna Kaayyima layi'rate widira doogamanni, foorrenna moora Yogoranni, injaannosi wote yortosi wonshi'ranni, asaasuraamu manni ledo hosanni (jaaloomanni), Kristoosi manna miliqanni (xooqanni), Kaaliqira ashala'la agure cee'maawanni shaqqanno wote, Dabloosi jaallasi anga adhe wodanisi giddora eara yooyifatannosi. Hakka wote, Kaaliqi Ayyaani wodanisinni fule ha'ranno. Wodanasi Sheexaanu dogisiisanno, Cubbunniwa massitanno doogo biddi assannosi, Sheexaanu tini mannu Kalaqamara nootena beqqi yitooti yaannosi. Isi yinotera dogame doogamiro, Kristoosi wiinni fafanno. Manchi beetto jifannohu Dabloosi agurranna wolu mayino dino.

Baxillu mereero gibbonna boroorsha, danchuri giddo ishine wixannohu isooti. Dabloosi wodannnita shiima qacce aff'iro gudise (raawe) egemmara naachchimma muuqanno. "Bikkunni (jilbunni) heedhe, jawaatte (baqqi yiyye). Mayirano yiniro, diini'ne (qahi'ne) Dabloosi egemmannoha hasi'ranni ittananno doobbichchi gede gaangaawi'nera yaasanno. Gobba baalate noo roduuwi'ne Kunni gari qarra adhitannota egennatenni amma'notenni jawaattine gibbesi." (1 Phex. 5:8,9).

Kaaliqi Ayyaani togo yaanno, "Xaate halaale billawimma qodhitine, Keeraanchimma siwiilu uddanimma uddidhine, Keerunniha Ba'raa'ru Qaale Koattimma lekkate lukkine (wodhitine) qixxaabbine uurre. Kunni baalunku aleenni, giirate buwani gede wala-wala yitannota Dabloosi maxxichcho (Xoichcho) baala hunate dandiitinannita amma'no wonqimma Kayisidhe. Hattono, gato umu gullee gede umi'ne aana wodhe. Kaaliqi Qaale, ullaawu Ayyaani bise gede amaxxe. Hasiisanno'nera baala huuccidhinanni wote, Qullaawu Ayyaaninni dhaawantinanni dhiite ba'riite ashala'le. Kunni daninni baqqi yitine jawaatte, amma'naasinete baalaho tayisidhinikkinni huuccidhe." (Efe. 6:14-18).

Yesus Kristoosi togo yaanno, "jifote widira e'inannikki gede jawaattine ashala'le; manchi ayyaani baalanka wote qixxaawaho, maalu Kayinni hoogimaho." (Mate. 26:41).

7. DUUMBALLITTE HINGOHA WOY MUKKURRAMA WODANA




Tini misile xawissannori, bashsho Kaaliiqa amma'ne halaalu doogo-Kristoosi-afe Kae galagale duumballitte higino manchi wodanasi galagalche tenne gobbara haafi heeshshora anga uyion manchireeti. Kaaliiqi Qaali togo yaanno, "Doogonni fultino manna dallaa eate hiittoo qola dandiinanni! Kuni manniwe Kunni albaanni xawu xaweennansa iimi afansho qamassinoreeti, Qullaawu Ayyaani beeqaasine ikkite heedhinoreeti." (Ib. 6:4). "Mayirano yiniro, manchu qeelamiro qeelaanchoho borojjichcho ikke hee'ramanno. Mootichchanke Yesus Kristoosi egennite gobbate batte winni gattuhu gedensaanni, galagalte hattenni battenni amadante qeelanturo albihunni roore gedeniidi ikkitonsa roore bushshinota ikkitannonsahuraati. Kunino, Keeraanchimmate doogo affuhu gedensaanni, aamantinonsatenni gullaawa murro (hajajo) wiinni duumballitte higgankunni roore, Keeraanchimmate doogo egennitukkinni gattinoha ikkoommensaro, woleteemmero

woyyannonsahuraati. Tufinoha itara wosichchu tufisiwa higanno. Hattono, manchaame hayishshantuhu gedensaanni, galagalte sabbaho gongo'mitanno yinoonni masalo halaale ikkite iillitinonsa." (2 Phex. 2:19-22). Mannu Kaaliiqa agure, Sheexaane guwaanyanya"anno wote, Qullawu Ayyaani manchi wodani giddonni fule ha'ranno, Kaaliiqi sokkaanchi badhe wodhanno, wodanisi giddo Sheexaanu moohanno. Ikkollana, Cubbisinni aagintaawe Kaaliiqira dallaa eannota wolsanni agaranno. Kaaliiqi ayino cubbisinni ba"ara dihasi'ranno. Annisi

mininni fule baino beetti, "Anni'ya mine qaxarante loossanno faanchaano waasa duubba geeshsha itteenna gatannonsa, ani Kayinni Konne hudetenni reemmo. Anni'yawa mare, anna'ya atenna Kaaliiqi albaanni hunoommo yeemmo." (Luq. 15:16-20). "Dallaa ea hasiissannonsakkiri honsayina honsu joogaaddu manninni roore, dallaa eannohu mittu cubbaataamu manchi Keessoolenni limi Gashshootira hattoonni hagiirre ikkanno." (Luq. 15:7). "Layinkimeeshshono, Ba'aali Su'ma woshshidhara difajjeemose." (Hosei 2:17).

8. CUBBAATAAMU YOO




Togoo wodana afi'no manchi, Mootichcha Yesusi hornyi (meessisi) gatisaancho assi're adhate woyite (yanna) sayisanni hee're reyoote deerra illinoha ikkinota tenne misile ikkito leellishidhanno. Kuni manchi, reyo adhitasira gambisidheenna, qooqqesi (lubbos) fultara rakkeenna, reyo ekerabbe itanno moichchi gededookkaantanna ikkannota hoogedaallasaha hee're waajje quuxxi yee ga'namanno. Bi'reenkunni hee'ranno heeshsho (Kaphphuhagiirri) yanna xa sa'ino. Kaaliiqanna Gatisaanchosiegnanna amma'na hooginohura, Kaa'lannosihunna wodana qolannosihu noosikkiha reyo adhitasira, Sheexaanu Kaaliiqalbaaranni Kassasasira feeffateenna elu-eemu, fiixu-xixu iso gaangeesse malu baeennansa jajjarte yitannore habbano. Goolu giira (Si"oole) qilinta magani bale dirrara (Kulullisara) bi'reenkunni hagiirsiissanni doggannosi heeshsho, fiixano, elono, xa agure ha'rara xu'e (hilicci) geeshshirilla gatino. Bi'reenkunni qaage

egenninokki Kaaliiqa xa woxaratanno. Faffino barra qaaginokki Kaaliiqa ruukitino barra woshshi'reenna ee diyaannosi. Jirosi reyoote quuxxonni digatissannosi, lubbosino goolaho qilintate ba"atenni dihooltannosi. Kaaliiqita halaalanynya yoo mannaashi'ne (gubbisi'ne) digantanni. "Kunnira Heeshshote Kaaliiqi angara uwa lowo lowo geeshsha waajjishshannote." (Ib. 10:31).

Faffe noo yannara Kaaliiqi Qaale macciishsha gimbe dimbanna siribba, haariimanna Kaaliiqire arrassa, tirrokkirira dodama, Kiilsiisi'ra, bita wora, quraa'ma, bushare araada, saada gorre kakka'la, helleenna moora laisiisi'ra, Kaayyo (kaayyima) layi'ra, heewonna xagaro, woleno kore lawannore haafare Sheexaanu looso loosa, lubbo fultara Ka'e roqo yiteenna woxarantannita Kaaliiqi dimacciishshanno. Yoote barra Yesu togo yaanno, "Ki'ne rumantinoonniri! Ane wiinni Ka'ira faffe! Sheexaanehonna labbannosirira qixxeessantinotewa hegerete hegere giirawa hadhe." (Mat. 25:41). "Mannaho mitte hige reyaa noote, reyoote gedensaannino yoo noosi." (Ib. 9:27).

9. GARAANCHO WODANA



Tini misile leellishshannori, “Xaatewe ninkeno duha ikkinonkerichcho baala, ninke aana qa’minoha cubbo Ka’aaginse, albankeenni noo dodansho cincatenni jawaante dondo. Dondeemmohuno, amma’nonke buriqisaanchonna wonshaancho ikkinoha Yesusi hordonfanniiti (harunsinanniiti).” (Ib. 12:1,2).

Yinoonninte gedde tini misile leellishshannohu, Kaaliiqira amma’nosi (heeshshosi) Uyi’re Sheexaanu jifonna xagaro baala gare (qeele) baalante doogonni Kristoosiha ikke masqalasi duqqino Kristiyaanchooti.

Sheexaanu battaame jallasi anga adhe Kristoosi amma’nanno wodana jifara duuchcha wote gaangeesse mulla soochchaawanno. Bashsho hee’reemmowa e’eemmo yaanno.

Kayinnilla, Kristiyaanchu wodani Kaaliiqi woyyonna Kristoosi galannowa ikkinohura lagonnirichchi (Cubbu) eate didandaanno. Jawaatu

Kristiyaanchi Kaaliiqa waajjanno (ayirrisi’ranno), duuchchanka wote ashala’lanno, wolu Kristiyaani ledo hoshsha baxanno, Kaaliiqi Qaale Xiinxallanno, Kristiyaanimmasi arrassinisirono, haariimmisirono Kaaliiqira yee cincanno. Kristoosi togo yaanno, “Ane daafinni mannu xonanno’nenna daransiisanno’ne wote, Kaphphunnino su’ ma’ne hunanno wote tashshi

yoo’ne limi Gashshootira afidhinanni wodo (waagi) lowota ikkitinohura tashshi yoo’ne, hagiirrunni birqiiqqe.” (Mat. 5:11,12). “Yesusi ninke daafira reyinohu, reyootennino kae, Kaaliiqi Annu qiniiteenni Ofollinohu ninkera huuccannoho. Kunnira, Kristoosi baxilli wiinni badankera dandaannohu ayino dino. Mitiimma woy qarru, dartu woy hude, Kallimma woy dano (dawaawano), woy bise, Kristoosi baxilli wiinni baddankera didandiitanno.” (Rom. 8:35). “Gatinohunni roduuwa’ya ballo! Mootichchunninna Isitenni bayira wolqanni jawaatte. Diyabloosiha xagarote looso giwate dandiitinanni gedde Kaaliiqiha bagadu uduunne gudissine uddidhe. Mayira yiniro, ninke oli mannu ledo ikkikkinni, tenne tunsichchu yannara loossanno mootolle, gashshootu wolqa noonsarinna gobbate wolqaataammi, togono yaa iima noori battaame ayyaanna olanto ledooti. Kunnira, Kaaliiqiha bagadu uduunne gudissine kayisidhe! Xaatewe, halaale sabbatimma (hanfalimma) qodhitine, Keeraanchimma siwiilu uddano gedde uddidhine, keerunniha Ba’raa’ru Qaale Koattete (Caammu) gedde lekka’nera wodhitine feeffattine uurre. Kunni duuchchunku aleenni, giirate gedde wala yitannota Diyabloosi maxxichcho baala huna dandiitinannita amma’no wonqidhe. Kaaliiqi Qaale, Qullaawu Ayyaani bise gedde amaxxe, hasiisanno’nera baala

huuccidhinanni wote, Qullaawu Ayyaaninni dhaawantinanni (subbinanni) dhiite ba'riite ashala'le." (Ef. 6:10-18).

BEEDDAKKO – Kristoosiwa higino manchi lii'laati. Xa isi lii'li xawadoho, wodanisino amma'notenni wo'minoho, Qullaawu Ayyaaninnino wo'mino. Kaaliqi sokkaanchi, Kaaliqi Qaali gedenni maasso afi'notanna hagiirre Kulannosi.

FA'NAMINO OGORI – leellishannori, Kaaliqira galino manchi wodanasi calla ikkikkinni woxesino Kaa'lannorira (buxanete, Kristoosi-manni minira, qarraminohura) fushshannota ikkinnina, Kaaliqi baxannokki doogonni fushshannokkitaati.

TIMUNNA GAAFFO'LICHCHU – Kristoosi amma'nino manchi godowisi bikkinni (ikkadotenni) calla hee'rannota, woxesi doogimale hunannokkita, Kunino yaa: jima (caate) qama"atenni, dimbisaare agatenni, hafuurrenna qanke noosikkita leellishshano.

FA'NAMINO MAXAAFI – Dhaawaanchu Maxaafi isira fa'namino maxaafa ikkinota, isono barru-tuqa nabbawanni egegonna jawaante, heeshshonna xawaabba, qoleno tunqannikki jiro afi'rannota leellishanno. Isi Xaate, Qullaawu Ayyaaninni wo'me hegerete heeshsho afi'rate Kristoosi masqala (qarra) wodanisira duqqa noositanna duuchchanka wote Qeraaniyo qaaga noosita afinohura, Kaaliqihu horoomi (hegeraamu) baxillinni hee'ranno.

10. AYIRRADU MINI-HA'RINSHO

Yesusi togo yaanno, "Kaonna heeshsho aneeti, anenni amma'nannohu reyiro nafa heeshshotenni hee'ranno. Heeshshotenni hee'rannohunna anennino amma'nannohu baalu Kurcho di reyanno." (Yoh. 11:25,26). "Kuni ba"annohu ba"annokkiha, Kuninni reyaannohu reyaannokkiha uddiranno wote, reyo garretenni egemmamantu yine borreessinoonnihu wo'mano. Hattono, reyo ballo! Garrekki hiiko no? Reyoy ballo! Manna eddarate wolqa hiikko no? ... Kayinnilla, Mootichchinke Yesu Kristoosi aanaanni garre aannonkehura, Kaaliqira galata ikko." (1 Qor. 15:54-57).

Kaaliqi ledoy hee'rannohunna qaafanno manchi reyo diwaajjanno. Reyote yannasi iillitannosi wote, hagiirrunni ha'ranno. Soqqamaanchu Phaawuloosi Yiinonte gede, "Mitto widoonni tenne heeshshonni baxxe Kristoosi ledoy hee'ra baxeemmo. Mayira, Kristoosi ledoy hee'ra wo'munkurichchinni rooranno Coye ikkinohuraati." (Fil. 1:23).

Kristiyaanchu, isira yee reyinosihunna masqalu aana togame cubbisi wodo (waaga) baatinosiha Yesusi iillara ququxamanno. Qullaawu Ayyaanino Yesusi qaale qaagiissannosi. "Wodani'ne quuxxi yoonke, Kaaliqinni amma'ne, anennino amma'ne. Anni'yawa bacu gallanniwi no, hatto ikka hoogoommero kayinni, woleteemmero heedhinanni bayichcho qixxeessammo'nera ha'reemmo diyeemmo'ne. Ha're bayichcho qixxeessummo'nehu gedensaanni, ani noommowa heedhinara galagale dayee ha'reemmo'ne. Ani ha'reemmotano doogo egegnitinanni." (Yoh. 14:1-4). "Ikkollana Maxaafu, manchi ille affinokkire, manchi macca macciishshitinokkire, manchi wodani hendokkire Kaaliqi baxxannosirira qixxeessino yaanno." (1 Qor. 2:9). Yesu Kristoosi ha'ruminni ha'nanniha, Kaaliqi baxxannosirira qixxeessinoha iimi Katamire hasaawate dandiinanni afii tenne baatto aana dino



Tenne misile aana ekerate (reyote) bado (faanta) Kaaliiqi sokkaanchi leellanno. Isi mucci yiino ayyaana (golfa) Kaaliiqiwa massara agaranni no. Lubbonna ayyaanu (golfa) reyaanno bisi (maali) usuri wiinni tidhante callimma heedhe ka'e iimiha fa'namino bitima higge, baxannosihunna isira reyinohu Yesusi noowa fultanno wote, Kaaliiqi albaanni bayiru ayirrinnyinninna hagiirrunni haa'rantanno. "Koo amma'namaanchunna shaqqillu faanchaanchi ... biilikki (mootichchikki) hagiirre beeqqate ei." (Mat. 25:21). "Kunnino gedensaanni, buxichchu manchi reyi, Kaaliiqi sokkaanono Abrihaami mulira (kikkillawa) massitusi." (Luqa. 16:22). "Iminni togo yaanno qaale macciishshummo, Konne borreessi, Kunni Kawa Mootichchu Yesusire ikkite reytannori Kaayyaataammaho, Qullaawu Ayyaanino eewa daafurona fooliishshidhanno gede loosinsa faanansa ha'rannonsa." (Ajuujja 14:13).

JEEJU SEEJJO

Koo tee! Konne nabbabbinanniri baalu! limanna uulla kalaqe giddonsa hee'rannore tuqa garigarinsanni worinohu Kaaliiqi wodana'ne fayyeesso. Maganu Kaaliiqi togo yaanno, "Manchi hedo ayi afara dandaanno? Manchi wodani baalunkurichchinni roore lowo lowo geeshsha battaawinohonna xagaraammoho." (Er. 17:9). Yesusino togo yaanno, "Manna batteessannorichchi manchi wodani giddonni fulanno coyeeti. Insano: busha hedo, galt assi'nikki hee'ne foora, moora, manna shaa, galte assi'ne hee'ne foora, hafuurre, bunshe, doga, amanynyaatiweela, dhiibbe, mannu su'ma huna, boonne, liilla ba'a." (Mar. 7:20,21). Kunni daafira, machi beetti wodanasi battaawinota afi're Kae, Mootichchu Yesus Kristoosi masqalu aana Sheteenna du'nantinotenni muxxete mundeessinni faansannohe gede Isiwa shiqi. "Ubbinanniki gede assanno'nehunna arrasso nooki gede asse hagiirrunni ayirrinynyisi albira shiqisha'nera dandaannohura, Isi callu Gatisaanchonke ikkino Maganira, Mootichchinke Yesus Kristoosi aananni (widoonni) bi'renni (Xintanni) Kayise, xaano, hegerete hegererano ayirrinynyunna bayirreenyuyu (jawillu), wolqanna mootummano Isira ikkitosi! Hamii'ni." (Yuda 24,25).

"Cubbo loosannohu baalu Kaaliiqi Seera diiganno, mayira yiniro, cubboho yaa Kaaliiqi Seera diigate."

"Kristoosi mannu cubbo hunater xawo fulinotanna (leellinota), Isira cubbu noosikkita egennitinoonni."

Kunnira Kristoosinni hee'rano manchi baalu cubbo diloosanno, cubbo loosanno manchino Kristoosi diafinosi woy diegenninosi."

"Ooso'ya ballo! Ayino gowwisonke'ne (dogoonke'ne) Kristoosi keeraancho ikkino gedenni keeraanchimma assannohu baalu keeraanchoho."

"Diyabloosi hunda (xintanni) Kayise cubbo loosannohura, cubbo loosannohu baalu Diyabloosi beettooti. Kaaliiqi Beetti xawo fulinohu Diyabloosi looso diigateeti."

"Kaaliiqi beetto ikkinohu cubbo diloosanno, loosrano didcandaanno, mayirano ikkiro, Kaaliiqi suudi gidosi hee'rannohuranna Kaaliiqiwiinni ilaminohuraati."

"Kaaliiqi oosonna Diyabloosi ooso baxxite egennantannohu kunninniiti, Keeraanchimma assannokkihunna roodoosi baxannokkihu baalu Kaaliiqi beetto di'ikkino."

(1 Yoh. 3:4-10).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.angp-hb.co.za

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.angp-hb.co.za



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtfdos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

DOWNLOAD BOOKLETS: www.angp-hb.co.za

ORDER FREE LITERATURE: info@angp.co.za

page 18 of 19 pages

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)